





參寥子詩集總目  
第一卷

廬山雜興<sup>十首</sup> 陳季常靜庵

崔君草堂 虛寂堂

廖公挽辭 絕句

歸宗道中 寄王慎中

秋江 周郎中濂溪

夜渡採石 秋日西園四首

送琳上人 春日即事

寄辯才 游鶴林寺

過金山 與王元規<sup>三首</sup>

何氏寒碧堂

贈陶道人

覽秀亭

夏日山居


陶宣德逸老堂

題楊君蘭軒

臨平道中

江上秋夜

春晚<sup>三首</sup>





第二卷

邵伯道中二首

平山堂觀雨

建隆秋夜二首

晚步

飲蜀井

次永仁韻

次何子温韻

醉道士石

懷孫莘老

四栢堂

次秦少游韻四首

次黃子理韻四首

次龍直夫韻

次孫傳師韻

春晴二首

東園三首

淮上三首

冬夜會孫莘老三首

曉出土山

寄蔡彥規

次太虛夜坐韻

呈莘老

次王通叟韻

寄仲恭

南樓書事

懷裴學士

呈慶禪師

第三卷

再賦溫泉

游龍洞

次莘老贈顯之韻

虛樂亭

朱伯收觀雪

宿九曲池

刊溝絕句

寄李端叔

都下晚霽

酬邵彥瞻

訪蘇學士

彭門書事三首

虛白齋

贈子瞻歌妓

逍遙堂書事

子瞻飯別

寄李齊州

次子理梅花韻

淮上寄子瞻

別曾逢原

寄逢原

寄端叔

贈鄒醫

寄蘇子由

贈子固二首

宿乾明

寄莘老

寄李公擇

俞待制挽辭

第四卷



春行

次傳師韻

淮上聞鴈

與怡然夜話

鶴林寺

寄舒堯文

寄叔康講師

登壽寧閣

得端叔淮上書

送慧悟還闕

寄侍琪秀才

鍾山夜月

睡起

曾舍人挽詩二首

子瞻赴守湖州

賦得岸字

南溪泛舟

吳興寄子瞻

田居四時

龍井書事四首

寄俞伯謨二首

夏夜

送楚上人

晚興

下湖晚歸

秋日西湖六首

晨起

第五卷

招李無悔

寄彥瞻

次彥瞻韻

再次彥瞻韻

寄張明甫

探梅

歲寒亭

與元規話別二首

春日二首

春詞三首

駐景樓

見程給事二首

寄濟明

寄俞仲寬

春日雜興十首

雪堂雨中

春日赤壁二首

別雪堂呈子瞻

題閑軒

東坡話別

贈潘邠老

酬周元翁

與曾子宣

送曾子開

過藏書堂

懷少游子實

第六卷

寄王元均

廬山雜興四首

寄黃察院

寄二學士

寄東坡

寄章仲粹



梅花三首

寄孫莘老

寄子由

和子由韻

寄二居士三首

廬山懷子瞻

酬周亨叔

訪王荆公三首

謁天竺觀音

次元翁韻

病中呈劉景文

入智果院

辯才新亭

次蘇仲豫韻

辯才生日

題解頤堂

送仲豫就省

同蘇文饒泛西湖

酬錢塘宰

和景文見示

夏夜懷景文

第七卷

別蘇翰林

送景文

贈林子中

辯才夜坐

贈聰道人

送僧游天台

覽子理詩

寄蘇太守

次陳敏善韻

都僧正挽詞

次吳承老韻

免充僧正

送子中三首

呈廖通判

次王行甫韻

同游天竺

次劉韋孟韻三首

游茗溪道場山

夏夜

送蘭花二首

夏日竹閣

送李仲益

訪勤上人

答曉上人

送俞伯謨

次文饒韻

陪人游天竺

呈章丞相

謁荆公像二首

曾子開話別二首

寄妙懿

觀恭師詩

尋余清老不遇

和劉伯昌韻

次真禪師韻

送文惠還金華

題桐虛齋

題停雲齋

次智果韻二首



次周開祖韻

第八卷

次才仲韻五首

贈吳子野

送庠上人

才仲山行

神智話別

暉：堂

次陳叔易韻二首

曉霽

次感懷韻

遠齋

懷仙閣

華亭道中

泛西湖

和元翁韻

和明遠韻

秋夜見懷

送人還金華

宿天竺三首

晨起

喜人見訪

送明上人之都下

送定上人

次劉蔡仲韻

次黃仲閔韻

蘇夫人挽詞

懷蘇伯達

題雙栲軒

次蘇端明韻

無為堂

示法穎

清聚軒

曉師見別

游徑山

雲巢三首

呈秦少章

送誠無

燕默堂

送嚴上人

懷舊隱六首

懷何彥時二首

劉公挽詞

贈霍山人

第九卷

送劉推官

觀東坡畫

淮上觀水

書秋景屏

過韞秀堂二首

聰師見寄

升師見招二首

殘菊

滌軒

和司馬仲達

題桃竹軒

溪上

聽琴二首

呈應禪師

題養浩堂



題玉淵堂

與定師話別四首

題綠筠軒

懷毛澤民

寄趙伯言

讀東坡南遷詩

讀聞復詩

次聞復見懷韻

寄愚坦

次聞復韻十首

夏夜偶興

次古上人韻

率同志誦經

呈曾子開

送錢持正

寄子開

贈潛照

木犀花

次關子容韻

湖上晚歸二首

子容見過二首

第十卷

弔許元裕二首

湖上秋日十首

贈趙明發

樓試可見招

次少游韻

春陰

登西樓二首

送伯言

贈歐陽季默

劉延中見贈

酬劉巨載

觀明發圖

次東坡韻

代老人答

子由書事二首

次試可見訪

揖仙亭

同游嶽寺

試可喜雨

夏夜

觀曹夫人画二首

黃天選見寄

次試可宿齋韻

贈德強

秋聲

次天選韻

次試可韻二首

哭少游二首

第十一卷

寄王晉卿

田承君話舊

呈試可

送王彥齡

次周臣韻

題公震画二首

東坡画枯木

雪霽圖

呈吳明府



王立之園亭十首 送慈義

贈孔處度 石菖蒲

題孔方平齋壁 行歌亭

次方平見寄 題松堂

用前韻 松圖

息軒

東坡挽詞

送處度試

次孔處度韻

張公碩不至

韓氏東園

第十三卷

與蔡秀如

贈耿純叔

讀子蒼詩二首

贈賢上人

喜雪二首

書雀竹圖二首

過韓氏莊二首

內樂庵

杞菊軒

寄潘仲升

送李南仲

佚老堂

贈權上人

孫傳師挽詞

孫智甫挽詞

題遠趣軒

蒙泉堂

夢中作

哭休上人

邃隱堂

呈周格非

觀牡丹

寄信上人

呈趙德茂

寄詵上人

山中書事

寄孔天瑞

聽琴

寄伯言

觀梅

處順齋

贈聖可

游狼山二首

容膝庵

酬王冢臣

觀伯山詩

雨中偶興

酬趙存道

賞牡丹

贈思正子

次思正韻

維陽秋日四首



參寥子詩目錄終

參寥子詩集卷之一

廬山雜興

古帝論匡山南國之德鎮邇來得躋攀此語始吾信雄：壓九  
江轟：排萬仞青天落飛瀑白日雷霆震石鏡俄忽開孤光舞  
而運異花無冬春瑤草亦芳潤遠公初渡江道譽藹東晉劉雷  
贊高風遯世各無悶陳迹虎溪頭于今誰與訊

衆峰勢連環萬壘不可窮香炉獨秀拔佳氣常葱：長風卷游  
霧曉壁開瞳矓招提出其下樓觀排青紅回眸眇五老刻削金  
芙蓉宜哉謫仙子愛此巢雲松

白鶴峰後原逶迤曠平陸道周問樵子古實青牛谷披榛得徑

法孫



法穎



編





路曳杖驚麋鹿鮑生古騷人曾過鍊師宿明月古壇邊題詩記  
脩竹茲焉廢耕隴歲晏空菽粟薄日靜銜山驚湍瀉哀玉回首  
睇吾廬風幡隔林麓

山南信美矣山北尤增奇春風錦繡谷紅素自相依梯空上絕  
巘雲日驚倒窺崖壁暈祥光五色成頗梨旁通大林寺松竹短  
且歌樂天當日游四月桃始披餘齡願寄此永與人世違

少文好山林每注輒忘歸余生千載後獨與斯人違  
下結宇聊棲遲長林拱茂木九夏遺炎曦溪雨晝忽破藤花照  
清漪黃鸝語深竹可聽不可窺暮峰騰玄雲飛雨來滂沱亂點  
洒蒼壁森々挂青蘿湏臾漲前溪蕩々浮銀河中流轉巨石出  
沒如鼃鼉天宇夜開霽星蟾瑩摩挲玲瓏辨崖樹宛轉照庭柯

詠詩無桀句奈此佳景何

中崑不知暑但覺晝景長朝來出孤定踞々行西岡風泉漱石  
齒松雨飛蒼々猿鳥亦我喜麋麋還相將喬林積翠下粲然矚  
孤芳卉々抱絕格霏々浮暗香山祇善守護每吐雲霧藏寄言  
樵蘇子慎勿輕催傷龍湫亘三峽草木皆森奇禪餘得支徑別  
塢行逶迤上人吳門秀邈有方外姿芒屨襯兩足策々欣相追秋  
田罷刈獲雲水明空陂雙々林中禽文彩光陸離雍容事飲啄相  
頽忘驚飛鮮飈忽騰馥崑桂飄葳蕤峰端臥落日春此忘還期  
霜清玉繩曉澗谷風未號澄潭不可極俛眄驚骨毛豈不有神  
物於茲能遁逃海日射兩崖餘輝何昭々游鱗出岍穴翻覆如  
銀刀偶來殊不惡勝事俄所遭聊為五字詠遠愧謝與陶



山深雲物清挹玩洗浮慮昨日行澗南飄然即芒屨風潭耿危  
約晚與樵爭度隔水認梅花方驚歲華暮幽人眇江海樂事  
期誰預山月獨多情娟：遲歸路高崑吐竒雲倏忽千萬丈援  
毫欲名兒卷縮非一狀飛仙或遨游隱：出其上驚飈忽吹滅  
轉盼惟青嶂山中勝事多彼俗誰能亮

圓月未出嶺衆峰環蒼：裴回倚脩竹遲此清夜光俄驚衆木  
顛灑：浮銀潢玉兔既且躍浮雲亦難妨須臾經中天下曠被  
八荒却瞻中外官森：歛低昂一月廬山陽光風動林壑陰崖  
拆曾水隱：飛溜落曦和伯化工萬彙欣並作忽：鳥聲聒艷  
艷花霧薄瘦骨喜攀躋芒屨便聲確期遇山阿人賞心將共託  
五更山雨餘海月漏雲表流輝入庭戶烟：白如縞百舌語空

林闕：催欲曉衆禽亦和鳴為我釋孤抱杉松本竒姿洗滌看  
愈好惆悵桃李花東風卷如掃

通玄接香谷夾道青松直高秋得微雨秀色寒更碧林梢挂  
紅子照眼明的：散策從所歡悠：事遐歷增坊媚煙篆笑  
語戀几席陶謝安在哉空山獨行迹

陳季常靜庵

龐公與少陵不肯入州府畏人嫌其真但喜歸茆宇先生豈其  
徒與世亦齟齬年來作庵榜以靜：非對動默即語閉門謝客  
親待鋤秀甲珍芽春滿圃黃雞白酒厭妻孥醉以詩書相媚媵  
况復家傳侍郎後縹囊玉匣收竒古寶刀錯落走金蛇至樂晶  
熒嘯鈇席先生妙齡已絕人放浪江湖棄簪組居閑自不減前



烈遇物陰施功不數我疑造物已收錄富貴來尋君勿阻不然  
騎鶴扣玄關跨躒松喬攀佛祖

何氏寒碧堂

城東十畝春蕭瑟脩竹漫山藹如櫛颯：細浪鳴石齒黯：蒼  
雲翳朝日虛堂正在無有處不惜千竿開翠密鳴鳩野鵲亦解喜  
頡頏穿林語啾唧但得涼陰過酒樽莫辭晚色侵書帙蓬萊仙  
人為書榜筆端矯：龍蛇逸壯觀南來無與倫千載風流君不失

玉荆山人崔君草堂

玉荆山蒼勢蜿蜒玉荆澗碧涵漪漣山人結廬占幽絕如使世  
俗來無緣窓前松竹交夏蔭砌下紅紫爭春妍清腸終日飽葵  
藿耳目久厭論腥膻山空月晝援鳥寂象床拂拭翻朱絃冷然細

韻發幽指妙意自得人誰傳烏巾席帽事高格蹇驢獨跨何翩  
翩行當近林就卜築與子來往聊窮年

虛寂堂

吾聞卓道士操節如冰霜學究規老莊本淵然閱光芒當時世莫  
識落魄依四方嘗為京洛游不踐聲利場衣裾卷塵土獨鶴翻  
南翔千里不駐足飄：指潯陽潯陽多名山飛仙共徜徉晚歲  
隱城郭古宮極淒涼千金售鄰壤增築成虛堂流塵斷四壁虛  
白浮中央惜哉今已往弔影空歎傷賴有賢弟子黃冠挺昂藏  
區：慕高格綽欲傳芬芳逐客蘇太史堂：國之良言為天下重  
墨妙逾珪璋為君易華榜庭戶增輝光風流滿江左知子非尋常

遊詠真洞贈陶道人



淵明骨已朽陳迹尚可求我復識其孫長髯青兩眸相去僅千載猶能繼風流寄跡黃冠中神姿邈清脩相携行洞天暝色藹已浮松寒語栖鶴潭靜眠蒼虬蘭膏照深夜風磬鳴重樓吾廬閱三峽清淨亦此伴何時駕鹿車訪我西林丘

廖司法挽辭

吾聞廖夫子名大不得覩讀書盡五車行義拔前古聚徒從妙齡所至變鄒魯身雖甘陋巷志欲望伊呂風雲苟超騰名教當有補蹉跎鬢毛改寸祿晚方取青衫適南營素幔歸湓浦秋原起新隴寂寞一坯土悲歌動閭里清血洒如雨蘭玉已含芳行看秀庭戶

絕句

高崑有鳥不知名款語春風入戶庭百舌黃鸝方用事汝音雖好復誰聽

覽秀亭

飛甍巨棟出高墉覽秀開亭實有功湓水秋橫簾幙外廬山晴落酒杯中俯窺城郭千艘轉仰見星河四面同江左元規存舊觀孟侯還此繼高風

歸宗道中

朝日未出海杖藜適松門老樹暗絕壁蕭條聞哀猿迤邐轉谷口悠：見前村農夫爭道來晤：更笑喧數辰競一虛邸店如雲屯或携布與楮或驅雞與犬縱橫箕箒材瑣細難具論老翁主祀易俯仰衆所尊區：較尋尺一一手自翻得無筋力疲兩



鬢埋霜根吾鄉東南會百貨常源：金銀衣短後群奴列崑崙  
通衢旅犀象顛倒同籬藩蛟綃與翡翠觸目亦已繁少壯供所役  
耆年卧高軒翁今處窮獨未易聽我言且當具監米歸家飯兒孫

寄王慎中教授

高人屏迹匡廬山不入州府今幾年煮葵烹藿日一飯日光炯  
炯明星懸行脩道富神所憐絳帳弟子如雲煙憶昨秋風宿曾  
巖杖藜扣戶君未眠塔松影月不到席耿：唯有青燈然高談  
一傾百慮洗似拂蒿艾披蘭荃清詩落筆有餘地頃刻百紙  
珠璣聯錦囊別後有新句勿惜東使聊相傳

夏日山居十首六言

杜宇鳴春已歇薔薇尚有餘花吾廬宛同彭澤遠屋羨蔭交加

苦笋爭抽豸角枇杷競吐驪珠午飯松間睡足茶甌滿泛雲腴  
紈扇輕裁孤月竹簟冷織雙紋呼取涼襟幽吹拂開亂眼浮雲  
麥浪遙翻隴底雲峰忽起空端拄杖支頤松下直須細：吟看  
山月明含草木溪風暗度襟裳寂：簾櫳夜半羽虫相趁飛揚  
陰洞石床初掃誰來共飯胡麻鳥道新疏碧注為君沉李浮瓜  
古徑斜依杉竹薰風永日無人噪鵲鳴鳩去後一聲幽磬南鄰  
門外溪行碧玉林梢日墮黃金好景莫愁吟盡會看月出遙岑  
山雨洗開林幄梧桐日射荆扉倚砌榴花初吐照人特地光輝  
遠壑尚餘殘照飛蚊已鬧前簷巢燕歸來何暮呼童為汝開簾

秋江

赤葉楓林落酒旗白沙洲渚夕陽微數聲柔櫓蒼茫外何處江



村人夜歸

周茂叔郎中濂溪

蓮花峰下水東出其流長十里漱石齒鏘然韻珩璜坡陀瀟野  
岸烟、浮明光衣冠有曠士眷此宜徜徉乞身不待老結屋栖  
其旁高風慕箕穎不羨尚書郎松菊手自插葱、蔚連岡了無  
川澤營度以廉自方禽魚出堦塹詎識矰繳防雲山侑几席風  
月非迎將萬事委空洞頽然寄壺觴詩書藜屋壁教子心獨強  
翹、雙鳳雛炳、其文章婆娑刷勁翮雲漢期翱翔高名與溪  
水千載同湯、

陶宣德逸老堂

湓浦城南舊隱淪一堂無地可栖塵石床春卧茶釀砌撩亂餘

花墮酒巾

歸來詩酒洽天機騷客無煩詠式微三徑就荒松菊在洗除蒿  
艾淨秋暉

夜渡採石

滄江夜半月沉輝客子行舟失渺渺不用然犀剛照耀波間百  
恠惡人窺

秋日西園

日月更代顯光華難並留昔人尚行樂俯仰無暫休平居得君  
子出處常相求良辰緩余臂共作西園遊極目瞰平野緬然見  
蒼洲千林澹霽色萬韻生涼秋露華溥菊英藹、香可揉參差  
間畦壠芋粟森相傳綠蔓無芳姿碧花茂牽牛低回矚籬落樹



影環清流賞物志已諧何用登蓬丘

山家無外營超然閉幽室蒲團北窓下默坐終永日炎景忽差池涼颺動蕭瑟中林多橘柚繁垂華實凭高試裴回幽興遽超逸雲霞散平岡太白空際出禽歸杳莫辨積翠鎖深蔚吁哉宇宙間濩落竟一物胡為市朝客終歲浪汨沒翳吾樂餘生勝事良可詰放懷在冥身世兩俱失

嘗聞晉支遁矯志歸沃洲千載激清風邈哉誰與儔余今雖不敏萬事非身謀竭來卧窮谷未覺暫先脩一法尚無遣何勞問三休卷舒在至理賞詠歸優游採薇陟曾阿濯足依澗流但驚桂花折詎識江漢秋滄溟空汗漫無意狎群鷗憶昔少壯時意氣摩雲霓游心黃卷間豈預白日西由來昧根

本旦：從所迷邈獨悟無為文字如委泥物生豈高下至道良自齊青山遶吾廬開戶衆鳥啼曉日上喬木秋光媚回溪畸人長往來絕壁同攀躋遐天淨若掃曠目無端倪楚客一何苦登臨獨悽悽秋山夜來雨雲氣朝尚昏禪庭無來轍但見落葉繁石室暗燈火天容開霽痕耳目思遠適曠然啓曾軒長謠緩輕策去窮深源方塘灑清流鳧雁靜不喧時遭羲皇翁容與諧笑言邈然採真賞歲晏誰與論

寄題濟源令楊君蘭軒

昔人慕猗蘭佩服比修潔往卒歲間山中行採掇吁哉昔人去已久此花憔悴今誰折濟源長官真好古王屋天壇馳遠步陽崖月窟得芳叢滿握歸來誇所遇淨掃幽軒植薜墀紫莖綠



葉弄竒姿踈簾風軟日華薄芳馥滿懷君自知

送琳上人還杭

聚水作一雨多少近遠隨所遭或霑枯芡僅濡浹或入巨海成  
波濤少林真風今百紀悵惜至此何蕭條喜君齊志早寂寞同  
我十載淪芻樵含冲嗜漠不自厭更欲刺口嘗群餽師門祖席  
在：有得此失彼良自嘲竭來東南走千里但願刈楚逢翹：  
馱浮長川不憚惡陟彼巨巘寧知勞誠專志苦若有相行斷西  
壤逢英豪金鉗扣天玄捷廓玉電激海明珠高星霜因循共千  
日誰爾使子先行包湖山蜿蜒湖水薄湖上幽人想如昨秋入  
芙蓉露已溥曉捲簾攏暑初却明：潭底見行雲謾：空中聞  
唳鶴此景從來吾已知異鄉寧羨君先歸由來出處元無隔同

看明朝日上時

春日即事呈定海尉葛叔忱

曾臺宿霞披滴瀝朝露濕有客獨登臨含情空佇立問君佇立  
何所為報言遠人嘗有期菊花黃日出山去芳草綠時猶未歸  
萬壑千崑望何極願託孤鴻寄消息少年將行易蹉跎翻恐歸  
來不相識滿目春暉花爛熳花底幽禽自相喚紛：萬類皆有  
從獨我參差邈雲漢勸君不用長相思容顏消竭神空疲無情  
况有西樓月夜：清光照不虧

臨平道中

風蒲獵：弄輕柔欲立蜻蜓不自由五月臨平山下路藕花無  
數滿汀州



寄龍井辨才法師

法師安遠徒我見常罄折頽網製像運基構甚宏達煌々四十  
載說法傾吳越人天會方丈萬趾常雜遝藹然如丘山四座羞  
蟻垤投老倦揮松毅然辭且決饑鷹得秋風轉眄俄一掣結茆  
南山陞雲蘿占幽絕昔我海上還相尋訪林樾夜闌叩微要援  
鳥窠不聒慧風洒幽襟法雨濯枯枿別來今四載寒暑驚屢闕相  
望如晨星杳々各天末何當從杖藜一笑龍泓月

再遊鶴林寺

招隱山南寺重來歲已寒風林驚墜雪雨澗咽飛湍壁暗詩千  
首霜清竹萬竿東軒謫仙句洗眼共君看

江上秋夜

雨暗蒼江晚未晴井梧翻葉動秋聲樓頭夜半風吹斷月在浮  
雲淺處明

邵仲恭許相過金山未至

二月歸來江上居江流變淥江鷗去時移物改何足論身世悠  
悠本非固鳩鳴屋角山雨餘花苞破紅滿芳樹晴窓曉日幽興  
催振衣出戶凌高臺潮回浪死風色定縹緲沙岸煙中開故人佳  
期絕消息滿眼空看暮雲碧何日扁舟南渡來一洒高風破吾臆

維王府園與王元規承事同賦

年少王郎一幅巾杖藜呼我步城闈紅泥亭子闌干外絕目遙  
看萬樹春

一霎催花驟雨來集芳堂下錦千堆浪紅狂紫渾爭發不待商



量細：開

藹：春空宿霧披桃溪柳陌共逶迤阿戎莫道無才思細草幽  
花搃要詩

春晚

疊穎叢叢條翠欲流午陰濃延聽鳴鳩兒童賭罷榆錢去狼藉春  
風漫不收

曉風池沼水瀾翻春盡淮南麥秀寒院落無人日亭午柳花如  
雪滿闌干

恠雨盲風卷却春傍欄蕭瑟只青筠引雛燕子朝來去回首多  
情語更頻

參寥子詩集卷之一

參寥子詩集卷之二

法孫

法穎

編

邵伯道中

一道河流遠接天兩行官柳復蕭然村春歷：鳴何處彷彿孤  
煙落日邊

回首山光古寺基拂天寒木耿斜暉孤撐漸與鐘聲遠但見風  
幡竹外飛

平山堂觀雨

午枕蓊床夢忽驚柳邊雷送雨如傾蜀岡西望蕪城路銀竹森  
森千里橫

建隆秋夜



梵唄聲沉香霧銷月明金殿影岩堯夜深唯有龕燈在風露滿  
庭人寂寥

娟：雲月照窓扉紙帳形開夢覺時庭下風篁自成韻吹簫安  
用玉人為

晚步

叢薄蕭蕭：朔吹翻暝鴉遼亂欲投村江南雪後山無數林表纔  
分翠一痕

次韻閻永仁博士同飲蜀井

潭：古甃閻高岡修綆低懸百尺長庾語樂天推絕特第泉鴻  
漸許甘涼金盤謾說溥秋露玉盃休誇沃蔗漿更有碧梧盤爽  
蔭坐驚亭午失驕陽

次韻永仁見贈

憐君泣血依墳墓雖設衡門不妄開盈几貝多翻百遍同龕彌  
勒禮千回夜寒幽鳥窺香火歲暮鄰僧數往來何日為余重  
掃榻卧聽松韻落清哀

次韻何子溫龍圖見贈

春破邦溝古驛旁揮毫邂逅沈東陽自慙擊壤無高韻但愧  
投珠有異光曠達未應輸靖節風流可復羨知章我非照鏡迷  
頭客一接清歡亦似狂

楊康功待制所藏醉道士石

天官夜燕瓊樓春一官大醉頽穹旻飛光貫地若素練百里雞  
犬聲紛：吹風洗雨歲月古化此頑石良悲辛楚山之老頗知



異濯以澗底清漪淪霓裳彷彿認羽客楮冠數寸橫秋雲空齋  
晝閒戲一擊手琅然哀韻還清真我聞天官天所陳雖復暫屈終  
當申烈風迅雷一朝作却上蒼：朝紫宸

軋明夜坐懷孫莘老學士

余生飄泊猶斷蓬詎肯低回附根柢茲焉得坎謾栖止一日從  
風即輕逝淮南十月寒未苦耿：虛堂屬宵外星辰錯落挂簷  
廡爽氣侵尋入衣袂桐葉聲翻玉露圓竹枝影掃金波碎安得  
南鄰龐老翁揮麈堂：坐相對

維陽府學四栢堂

鄒志完待制  
時為教官

類宮本淒涼庭戶無冗長蒼然餘四栢終日清相向夫人擅所  
有高懷益超放炎蒸五六月大厦如甕盎涼飈天外來披拂逾

一餉恍如乘虛舟破月渡溟漲嚴冬衆木死藟：獨無恙非永  
造化私故與冰雪抗宜亦有神明茲焉陰所相

次韻少游學士送龔深之往金陵見王荆公

春風隨意可嬉娛水有舟航陸有車應笑楊雄未忘我閉門猶  
著解嘲書

夢幻皆輸古竺軋功名何用咤燕然羨君一棹江南去碧薺時  
魚暮雨邊

虎踞龍盤亦漫雄城荒狐兔往來通可人誰有秦淮月出沒娟  
娟波浪中

白下長干春霧披家：桃李粲朝暉懸知一見毗耶老心地如  
灰不更飛



次韻黃子理宣德田居四時

四序自逶迤田園常局促春陽旋東臯迫我事鉞鐸出種曝籬  
根驅牛飲溪曲暉：明朝陽聒：喧布穀頽齡惜筋骸曉睡謾  
云足蓐食出柴門荷篠赴幽谷牽條視柔桑密葉已舒綠今  
年氣候早膏雨厭霖霖鄰翁時一來耕耨每相屬

離：小麥黃習：南風度桑棗暗蓬麻耘鋤困朝暮種瓜屋  
東隅翠蔓已分布黃花引踈籬丹：欲橫路白水漫青秧聯翩  
下鷗鷺新絲換濁酒有藪羞薄具掃洒聚比鄰環坐蔭高樹稚  
子羨羸餘牽衣傍翁媪牛羊嶺外歸落日林梢去餉婦亦還家  
笑言隔煙霧

村落已徂暑蚊蠅尚喧啾衡門霽朝雨茆竹歸新秋機絲迫鄰  
女札：無停休中田藹黃稼爛熳如雲浮淥蟻釀新甕嘉魴  
釣清流瓦尊遲來客禮數忘獻酬三盃未肯辭笑語方綢繆時  
平盜自隱場圃無宵憂兒孫漸束髮婚嫁迫所謀款曲從我言  
歸途蹇淹留林端有月色相送前溪頭

朔吹鳴高林回塘冰已結牛羊卧茅屋原野暗飛雪壯男臂彫  
弓短後事田獵饑鷹一號呼荒徑洒毛血歸來誇意氣鄰舍呼  
飲啜明朝過南山更欲窮窟穴寒爐然豆箕光燄時起滅布被  
擁嬌兒從渠踏裏裂老翁寢不寐展轉念鵝鴨籬落易穿窬  
狐狸恐驚發

和龍直夫秘校細雨

細雨連阡陌輕雲濕不飛池寒鷗自卧巢冷燕催歸慘澹疑沈



樹飄蕭忽近幃簷花露已久稍欲墮人衣薄霧兼寒雨凌晨  
靄未分細宜池上見清愛竹邊聞斗帳侵蘭夢虛榻逼蕙薰  
晚來欣小霽鈎箔見疎雲傍砌飄纒斷從風強更來斑斑泣蛛  
網浥汗江梅薄日光時漏曾陰意未開少陵心易感詩句寫清哀  
次韻孫傳師龍圖游醴泉寺

春晴

積雨久不破曾陰蔽城闕曉來得春風掃蕩淨六合綽約墻頭  
花依微帶殘月少年誰家子驂騑飛蹀躞揚鞭出郊去逸興

生林樾黃鳥弄柔音青梅已堪折行樂須及辰芳時易消歇  
寒食東城隅青楊夾馳道高樓暖鳳笙絕曲聞縹緲晴日動鞦韆  
飛煙拂瑤草南鄰與北里良辰競為好人生逆旅間何必事  
枯槁仰首笑春風茲懷誰與造

東園

斜照明射竹籬桑陰翳麥蛾飛蕭條一徑無來轍時見羸  
牛引犢歸

曲渚回塘孰與期杖藜終日自忘歸隔林彷彿聞機杼應有人  
家在翠微

雲峰缺處支筇立溪溜聲中弄扇行習習南風吹百草幽香知  
有蕙蘭生



淮上

蘆稍向曉戰秋風  
浦口寒潮尚未通  
日出岸沙多細穴  
白蝦青蟹走無窮

今夜沙頭月上遲  
小螢零碎傍舡飛  
可憐光彩雖無限  
何似嬋娟一寸輝

天闊陰雲低抱樹  
沙寒鷗鷺欲親人  
小航泊處誰家住  
脩竹疎花宛似春

冬夜會孫莘老司諫書齋

去馬來車聲已闌  
雪雲低壓暮簷寒  
地爐山枿燒初熟  
軟語聊為世外歡

碧瓦爐焚裊香紅  
柑紫栗更分嘗  
從來樂事人間少  
不惜歸

途夜漏長

多病山人能放曠  
忘緣居士解逍遙  
蒲團疊足清相向  
誰道雲林勝市朝

曉出土山

遶山脩竹曉參差  
葉塗霜墜碧枝  
日脚漸高風乍起  
蕭蕭恰似雨來時

寄蔡彥規主簿

遶舍蒼煙晚更凝  
隔簾新月未多明  
棲鳥著樹無餘噪  
老檜吟風有細聲  
客散愈憐真境好  
定回猶覺幻身輕  
可堪俗子能知味  
此語聊傳北郭生

次韻太虛夜坐

少游一字太虛



古寺冬蕭瑟天寒色更冥捲帟延素月轉盼失流星爐底眠枯  
枿窓根立凍餅談餘焚栢子一燧小煙清

廣陵城外野步呈莘老

林梢聒：鳥聲繁積雪初消澗水渾老樹卧波寒影動野煙浮  
草夕陽昏風回笛響山前路犬吠人行竹外村杖屨不知幽興  
遠歸來新月在柴門

次韻王通叟寺丞見寄

彫斲肝脾欲報公還如獻豕過遼東珠璣屢獲淵雲妙土木曾  
無粲忍風耿：吟魂嗟異處迢：桂魄謾相同錦囊應有新詩  
在九曲池邊多塞鴻

寄仲恭

曉雨霽郭郭晴雲遞紛披曦和折萬物初莖弄葳蕤鯨魚泳弱  
藻漾：動碧漪緬彼空際山黛影搖參差感此芳菲節美人曠  
佳期音形眇何方莽：天一涯長河泮春冰花浪激箭馳好憑  
三尺鯉寄我相思詩

早秋南樓書事

白帝初回天地秋井梧葉老陰尚稠森：爽氣入屏幔骨冷魂  
清無汗流覺來覽眺覓佳處挾冊獨上西南樓崇山廣澤坐可  
挹遠水孤村橫道周上窺青天墮海日下瞰白鶴盤庭楸誰令  
濃陰起曾嶂撲：亂眼如雲浮埋林漲壑只俄頃撫袂掩抑將  
誰倚明星皎月邈難見絡緯蟋蟀空啾啾安得風生土囊口萬  
里一掃無停留王孫未歸空碧草我思不見徒離憂



和莘老經六合西門水亭懷裴學士

折柳相從地重來失舊柯林光延晚照岸影動霜波碧圃檀藥  
密朱簷翡翠過主人成異物搔首奈情何

和莘老初至溫泉呈慶禪師

年華行已老林莽尚葱蒼地勝連龍窟泉温注鬼湯人風遠城  
市鍾梵近僧坊九夏來投錫棲心應更涼

參寥子詩集卷之二

參寥子詩集卷之三

再賦溫泉

赭落峰前與世分溶、湯井翳深雲月生滋穴流寒影風入華  
清皴碧紋暗引石池波宛轉暖蒸苔壁氣氤氳解衣盤礴南  
窓下骨肉都融到日腫

次韻莘老游龍洞

曠曠杲日破林垆杖策相將馬暫停路與猿猴爭險磴身隨鴻  
鵠入青冥巉崑曲穴疑無底盤屈蒼虬信有靈能使謝公詩興  
動宛如游刃發新硎

次韻莘老贈顯之

法孫

法穎

編



盤：秀嶺遶曾簷方丈門開挹翠嵐風激松梢聲間發月留  
泉底影相涵大機清曉猊臺震險句窮宵帟穴探白傳異時修  
故事杖藜應許到雲庵

虛樂亭

誰構新亭近翠微似教陶令洽天機池光引月來簷廡竹影踈  
風到客衣愛酒有時携玉罇無絃聊自拂金徽人間樂事還能  
幾肯向良辰與物違

次韻朱伯叔主簿觀雪

朝來密雪蔽天涯坐目丘園發素華初著敗梧驚擁腫久霑庭  
竹見欹斜水精不動垂千筋雲母無聲落萬家安得曾穹返收  
拾莫教狼藉渾泥沙

陰風何事吼簷牙夜半窓前變物華夢斷只疑蟾影在褰幃俄  
駭練光斜苦侵陋巷凌寒士強入高樓媚酒家霽後請看庭下  
草蕙蘭含綠出晴沙

次韻姜伯輝朝奉宿九曲池

當時樓闕已桑麻陳迹何須置齒牙宛轉頽城圍綠野嶽崑孤  
塔背明霞山雲度晚飛瓊葉海月生秋墮桂花圓嶠方壺同笑  
語終宵疑在水仙家

刊溝絕句

隔屋蕭蕭：風度竹當空絮：斗翻芸嶂嶭歲月人間暮日斷雲  
山歸興長

過新開湖寄李端叔大夫



新開湖邊秋夢曉雞犬無聲人悄：試揭疎篷覘日華水面殘  
星猶繚繞嘗聞明珠藏巨浸光焰一出輝群草篙師為我暫停  
櫓回象終期入幽討波間宛轉興方豪依然別恨生懷抱故人  
離群東海頭徇祿摧眉事枯槁菰梢蘋末翠猶在蕙蘭憔悴青  
楓老浪游不知歲月徙舊約無端失天杪目羨南鴻兩：飛安  
得身同羽翰小游胥堂在吾必行一榻數椽應預掃

都下曉霽

千門昨夜雨萬木曉生光御水浮紅藻宮雲麗粉墻轉樓遲日  
靜縈草亂絲長想像西池路濃陰覆綠楊

酬邵彥瞻朝奉見寄

揚州從事多文華新詩組織如朝霞高懷忽念朔方客秋風一

紙來天涯都城官蓋屬休沐邂逅過我森如麻開緘傳讀不知  
厭愕立圓視相驚誇上言音形闊川路下言杖屨埋風沙蹲鴟  
正熟邀我返城南古寺無諠譁我今翩然已東下輕舟早晚從  
公家平山堂西百尺井請公為汲烹露芽

訪彭門太守蘇子瞻學士

眉山鬱弗眉水清清淑之氣鍾群形精瑒美璞不能擅散發字  
內為豪英煌：蘇氏挺三秀豫章杞梓參青冥少年著書日即  
稽古經緯八極何崢嶸未央宮中初射策落筆游刃揮新劘翰  
林醉翁發竒歎臺閣四座爭相驚逡巡傳玩騰衆手一日紙價  
增都城同時父子擅芳譽芝蘭玉樹羅中庭風流浩蕩播江海  
粲若高漢懸明星前年聞公適吳會壺漿跪道人爭迎浮雲流



水付幽討下視世網鴻毛輕野人弱齡不事：白首丘壑甘忘  
情神仙高標獨未識暫棄蘿月人間行朝吳暮楚失邂逅恍  
夜夢還惇：迩來旅食寄梁苑坐歎白日徒虛盈彭門千里不  
憚遠秋風疋馬吾能征鈴齋吏退屬幽歎一看揮塵銀河傾

彭門書事寄少游

我思君處君思我此語由來自謫仙欲借野人傳紙尾待憑新  
雁寄遼天

戲馬臺邊駐馬蹄回廊曲院揔攀躋秦郎前日曾來否試拂凝  
塵覓舊題

百尺黃樓拂杳冥樓前風物極崢嶸東州詞客渾爭詠獨恠相  
如賦未成

虛白齋

與子瞻共坐有客饋魚於子  
瞻遺放之遂命賦是詩

嘉魚滿盤初出水尚有青萍點紅尾銀腮戢：畏烹煎掘強有  
時俄自起彼客殷勤贈使君願向中厨薦醪醴使君事道不事  
腹杞菊終年食甘美傳呼慎勿付庖人百步洪邊放清泚回首  
無欺子產淳謾道悠然泳波底

子瞻席上令歌舞者求詩戲以此贈

底事東山窈窕娘不將幽夢囑襄王禪心已作沾泥絮肯逐春  
風上下狂

陪子瞻登徐州黃樓

黃花離披妖日短使君無事邀僧飯：餘軟語藝香幽共坐圓  
庵不知晚燭籠持火報黃昏使君愛客還留連前登脩徑步超



逸後却從御來聯翩城頭陰：未上月城下激：鳴潺湲漁燈  
照舫沙岸近賈客夜唱聲清圓徘徊始轉黃樓側銀箭銅壺知  
幾刻欄杆倚遍惜分攜泣：芙蓉珠露滴

逍遙堂書事呈子瞻

尋常卧雲林往：厭闌闌今朝郡齋裏岑寂返可愛曦和破簾  
攏幽鳥語庭際開門面脩圃珍木羅翠蓋蕭疎舊菊叢衰露  
有餘態主人事天和萬慮屏身外勞生一斷梗何處考根抵安  
能從物役擾：空卒歲脫巾每相從頗得資傲睨

次韻子瞻飯別

鈴閣追隨半月強葵心菊腦厭甘涼身行異土老多病路憶故  
山秋易荒西去想難陪蜀芋南來應得共吳薑白雲出處元無

定只恐從風入帝鄉

次韻少游寄李齊州

画舫京口見停撓蕭洒渾疑謝與陶但把好山供勝踐不將餘  
論挂塵勞諫垣天上經焚草藩國年來屢夢刀北客近傳新政  
美未嘗因物強吹毛

次韻少游和子理梅花

朔風蕭：方振槁雪壓茆齋欲歌倒門前誰送一枝梅問訊山  
僧少病惱強將筆力為摹寫麗句已輸何遜早碧桃丹杏空自  
妍嚼菜餼香無此好先生攜酒傍玉叢醉裏雄辭驚電掃東溪  
不見謫仙人江路還逢少陵老我雖不飲為詩牽不惜山衣同  
藉草要看陶令插花歸醉卧清風軼軒昊



自彭門回止淮上因寄子瞻

竭來淮上卧蕭宮回首人間萬事空  
院靜水沈銷薄幔睡餘寒日耿脩桐  
南山訪古思杯渡北海談經憶孔融  
寂寞蒹葭霜雪後何時重倚玉青葱

與曾逢原寺丞相別

落葉追奔卷地飛淮流轉處楚山稀  
君騎黃鵠朝天去我憶青松舊壑歸  
道在不須驚契闊情親聊用惜分違  
嵩居祿隱都如夢莫向秋風歎式微

夜泊淮上復寄逢原

黃沙白草滿淮垠逆旅蕭條思不禁  
風約亂雲歸隴首角催明月出波心  
槎頭湧處潮初上斗柄移時夢未沈  
遙想故人投宿

地盡舡應在碧榆林

曉發桃源渡寄端叔

桃源渡頭雞一鳴舟子夜起趨南行  
泯々河流浮落月蕭々岸木警秋聲  
依人翡翠霜翎重拂棹芙蓉露點輕  
為報舊游朝士說天街何似此中清

贈鄒暨

君不見宋清市藥長安西衆工就取資  
刀圭瘡瘍疾病一皆往所應不必黃金  
賈度未能酬輒焚券耻學庸生憂噬臍  
人々德清莫肯負日獲遠利豐子妻公  
侯餽遺日相屬螿食華衣乘馱駸羅池  
神人為作傳至今名譽橫雲霓鄒君業  
暨世淮海瀉盛補衰知徑蹊玉函金匱  
恣探討挈以自副能不迷頃年西游抵



京室達官貴吏爭品題歸來鄉縣頗蕭瑟湖水粘雲芳草萋  
余寢瘵古佛刹每辱珍劑相扶携傾囊倒橐願為贈唯有圓  
蒲并杖藜君聞掉頭不我顧止索詩句光衡圭夜披陳編見清  
事重嗟此道今如泥君誠有意嗣前躅篋笥不憂無錦綈

寄蘇子由著作

先生道德若為容曾向南都幕下逢拔俗高標驚萬丈凌雲逸  
氣藹千重低梧暫宿張家鳳濁水難藏許氏龍歲晚雪霜雖更  
苦未應憔悴碧嵩松

贈子固舍人

文章煒燁動當時雋乂雖多不並馳解激頽波旋往古獨憐夫  
子抱青規山川泚氣真能感宇宙雄名豈浪垂未信長途老天

馬行看蹴踏上瑤池

吏部遺編久寂寥穎濱居士亦蓬蒿支流盡屈江湖闊衆阜爭  
隆泰華高落千章揮琬琰湯萬頃起波濤玉堂鸚鵡遲公  
久何事崎嶇尚夢刀

宿軋明

五更風雨鬧秋堂夢斷篝燈尚有光明日又為湖上客舡頭雲  
水正茫

寄莘老

十年手把使君麾一日歸來踐赤墀偶尔夢中成故事凜然霜  
後見竒姿枯菱在昔嘗叨廕微蚋于今賴附馳况有雲庵閔深  
谷他時香火與君期



寄李公擇侍郎

高城夜寂起清風，月下清霜墮曉空。  
澤國已驚黃橘柚，省垣應對老梧桐。  
青錢舊數文才妙，碧落新游問望隆。  
四海倚公調鼎鼎，鼎佇瞻和氣洽冲融。

俞公達待制挽辭

金鐸哀傳靜列營，將星飛墜漢蕃驚。  
森：氣與秦山在奄：蒐隨隴水傾塞路，簫笳悲部曲。  
海天風雨濕銘旌，堪嗟未勒燕然石。  
遽失連雲萬里城。

東吳佳氣久氤氳，果見雄才出海濱。  
屢試干將羗破膽，忽摧梁木士霑巾。  
人間夢斷黃梁熟，天上樓成白玉新。  
零落山丘今古事，情鍾我輩謾傷神。

卷終

參寥子詩集卷之四

春行

朝入春山千萬重，暮歸溪上漫匆匆。  
白沙岸口長回首，無數漁燈翠靄中。

次韻傅師見過

孫郎蕭洒逼人衣，咫尺塵埃隔蕙帷。  
陋巷有時過佛剎，談經還共惜秋暉。  
百年空果冥中謝，一寸靈珠象外歸。  
久矣此情人不諭，援毫聊復為君揮。

淮上聞雁寄仲恭

歌枕舫舷夜櫓停，數行南去雁如繩。  
起來欲寄相思字，高拂銀河喚不應。



與怡然夜話

雲埋碧瓦寒侵戶榻照青燈夜色空故國十年無限事笑談如在夢魂中

鶴林寺

宛轉回廊漫布金蕭條寒日墮墻陰門前合抱松千尺黃鶴不來年已深

寄舒堯文教授

經綸滿腹貯雲霓卓犖丘門道可躋絳帳開時霞影亂青衿立處雁行齊憶親麈尾焚香夜共惜筠梢落月低別後鳳毛知更長五車應已識詮題

次韻順上人寄叔康講師

少年好詩書齷齪空閉戶有若丹青徒秉筆學畫虎法師當是時聲價久已負籍籍東州人高談慕支許余時跡四方浪涉川陸苦昨夜北山翁挑燈同軟語因論鄉里賢悵師成獨阻南徐號名都興發歷漢楚崢嶸江上山王氣埋千古至今風前笛夜夜怨江浦感慨易成吟安得君來伍

次韻順上人登壽寧閣

昔過廣陵日茲樓亦盤桓飛甍切星斗鳴鵠爭危欄恍若隨扶搖九萬直上搏下視古帝基蕭條空澹漫當時競豪華人物鏤綺紉孰謂千載後故宮半耕殘城西舊輦道繚繞猶屈盤咫尺見螢苑枯桑生晝寒閭閻豈復隘狐兔穴已寬楚楚但喬木萋萋無寸山苟非壯士懷往往不忍看青旗催畫角



回首送飛翰

得端叔淮上書

云長淮秋色清曠順風揚舫恨不得與君俱之

飛鴻從西來有客遺我書開緘識遠意字字情有餘報言歷  
長淮泛泛乘舳艫天開滅遠霧水碧涵空虛超然忘端倪身  
世疑有無徜徉極幽致恨我失之俱我昔與曾子茲游頗躋  
躡風高當白帝露冷凋紅葉扁舟僅半月歷覽窮朝晡伊人  
亦才華俊逸十里駒結交慕豪彥個儻非迂儒當時欲相從  
恨子隔海隅今朝子獨往我輩還星躔邂逅亦有分黃緣非  
強圖茫然臨西風俛首良自吁庶幾有至理去彼形跡拘相  
望雲漢間皎潔同蟾蜍

送慧悟大師還闕下

道人本丘壑浪為京華居一往二十年歲月驚須臾禪餘挾妙  
術出入卿大夫飛揚動天子聲問傾九衢紛彼戶外屨泛如水  
中鳧高懷勸酬應逸賞思江湖春風卷衣袂千里隨舳艫中冷  
湧樓觀圓嶠連方壺杖策步黿頭直上窮崎嶇超然萬象外所  
得良有餘興盡乘白雲飄：還帝都

將之金陵寄侍琪服之秀才

黃昏落帆牛渚磯蒼石岸黑行人稀漁燈夜深遠近沒水鳥月  
明來去飛瓶盃漸與南斗闊身世東去將焉為鍾山咫尺行可  
及會當與子同遨嬉

鍾山夜月

萬壑千崑夜未央月華松色共蒼蒼上方已覺無人語金殿誰



焚栢子香

睡起

紅芳落盡踏青：啞咤黃鸝隔樹鳴  
午睡覺來聽不足杖藜重  
過竹陰行

曾子固舍人挽辭

命世高標見實難狂瀾既倒賴公還  
學窮游夏淵源際文列班  
揚伯仲間落：聲塵隨逝水滔滔論著在名山  
淒涼四海門人  
淚想對秋風為一潛

雄詞大冊破幽昏返覆難窺斧鑿痕  
投老雍容歸法從銜哀倉  
卒去都門雲泉已負高秋約江渚空悲靜夜魂  
誰與朝廷終太  
史君王應待鵲鷓原

子瞻赴守湖州

少游與余同載因游惠山覽唐處士王  
武陵寶群朱宿詩追用其韻各賦三首

山煙弄滅沒山木含葱蒼刺舟傍遙岸  
理策升虛堂周遭矚曾  
巘矯：如翱翔下瞰平田流澹然浮日光  
青篛解初籜洗雨聞  
清香雖云迫前途真賞豈易忘

松門暗朝雨寂歷無行人

隆曦忽穿漏卉木蔚以新塔泉漱石齒  
照眼光磷：史君美無  
度卓犖遺囂塵風標傲竹栢談笑凌穹昊  
何愧沈冥子卧霞吞  
結鄰 揚帆渡江來洗眼驚翠樾雲姿既  
容裔鳥哢更清絕  
凌梯訪前蹤琬琰亦未滅嗟我魚目光疇  
能綴明月狂墨掃琅  
玕風煙坐中發殊勝區中人茫：走飛轍

吳江垂虹亭同賦得岸字

蜿蜒誇長虹吳會稱傑觀淪連幾萬頃  
放目失垠岸倒影射遙



山青螺點空半從來夸震澤勝事無昏旦破浪湧長鬢排空度  
飛翰肺肝入清境劃若春冰泮安得凌九垓從公游汗漫

同吳興尉錢濟明南溪泛舟

枇杷弄實梅欲黃海氣冥：錯昏晝僧坊亭午隘可鄙畫舸從  
君逐溪溜斗欣紛翳眼前失但覺波光翻縠縐蘋花洗兩白雪  
香荷柄吹風青玉瘦回看行人走南北春蠶：岸傍如蟻鬪一竿  
落日麗樵明繞郭雲山相倚構斬：青壁映彤霞轉盼忽驚開  
錦繡好將傑句為余寫天乞君才多穎茂錦囊玉刻厭傳玩燕  
尾蚕頭吾未究輕撓欲動蹇淹留城上哀笳淒已奏

吳興道中寄子瞻

與少游同賦

弱性嗜幽散出門隨所便蓮房紛可襲林幄正高褰群木含晨

景孤撐破宿煙逶迤屯秀萼宛轉滴清漣岸匝藤花暗崖垂桂  
影圓引鷓鳴鵠鷓鮮籜露嬋娟恍若經愚谷渾疑渡輞川葑田  
青泛：石葛蔓綿：緬想醉山簡相從狂謫仙援毫更妙韻愧  
乏碧雲妍

田居四時

原隰春風暖池塘鴈北翔曉耕雲塢潤午飯野芹香燕子依苑  
棟花枝過土墻東阡與南陌生事日皇：五月梅爭熟村

村桑柘稀茜裙蚕婦瘦粉翅乳鵝肥菱蔓滋溪雨藤花鎖釣磯  
呼兒行採去亭午候荆扉刈獲終吾事田園日向閑晚香

增橋抽潦水耗汀灣聚噪棲鴉定孤吹牧豎還兒童驚野燒一  
片起前山汨：防農霧窮冬亦謾勞茆簷催日午籬落聽鷄



彌臘近還移竹宵閑更索絢春風歸早晚行見事東臯

夏日龍井書事

呈辨才法師兼寄吳興蘇太守并秦少游少游時在越

翠樞高蘿結書陰驕陽無地迫吾身石崖細聽紅泉落林菓初  
嘗碧柰新揮麈已欣從惠遠談經終恨少遺民何時暫著登山  
屐來岸鳥紗漉酒巾

雨過千品爽氣新孤懷入夜與誰鄰風蟬故頻移樹山月時  
時自近人礼樂汝其攻我短形骸吾已付天真露華漸冷飛蚊  
息窓裏吟燈亦可親

自憐多病畏炎曦長夏投蹤此最宜青石白沙含淺瀨碧梧蒼  
竹聒涼颼雲中雞犬聽難辨谷口漁樵問不知斑杖芒屨隨步遠  
歸來幽火認茆茨

竭來人外慰棲遲谷遠山長萬事遺好鳥未嘗吟俗韻白雲還  
解弄竒姿藤花丹青當户竹色娟碧過籬不羨故人探禹  
穴短椽孤榜逐漣漪

寄俞伯謨宣義昆仲

謝家蘭玉競芬芳千里南來未易忘猶憶娑羅雙樹院月明相  
對坐胡床

多病侵尋鬢已霜昔年交友半殊方吳臺松柏今何似想見龍  
蛇數尺長

夏夜

斗帳昏昏夜氣蒸移床趁月臥中庭紫薇花露濡衣冷翻覺華  
胥夢易醒



送楚上人還廣陵慶禪師法席

吾鄉少年多齷齪投老家山猶戀著何異醯雞舞甕天肯信十方無壁落羨君壯懷慕遠舉萬里雲山行犖确荆江洞庭虛浩渺欽械浮杯心自若去年臘月過湓城聆我幽蹤卧雲壑竭來相從慰契闊笑語逸發驚猿鶴春風又復卷征衣問子東去將何為廣陵城西古佛刹中有老禪吾所師當年與君共伏役妙道彷彿窺藩籬別來星霜歎已久夜夢往々神魂馳真金雖已出頑鑛鍛鍊豈厭增鉗鎚縱橫法縛斷除盡了々方為獅子兒

晚興

墻角風欺竹影斜數聲啼盡欲棲鴉重門已閉斷還往獨卷疎簾進月華

下湖晚歸

屈曲莎隄引興長肯辭芒屨踏秋霜歸來已奏孤城角撩亂梅花落女墻

秋日西湖

兩山斜抱翠逶迤一水中間似漾波孤榜獨來還獨往鷓鴣鷓鷯莫相疑

瑄然一葉墮空庭似喚幽人夢欲醒斜倚素屏褰翠幔沈香煙吐罇山青

南山爽氣對朝扉竹露吹風更濕衣可是吟魂怯清景何妨著屐步苔磯

飛來雙鷺落寒汀秋水無痕玉鏡清踈蓼黃蘆宜掩映沙邊危



立太分明

欲跨高樓曠遠情無端秋雨苦冥冥  
崢嶸日脚漏雲處瞥見遙  
山一抹青

西風夜半捲庭槐卧聽鄰翁曉圃開  
稚子相呼入林去應知病  
菓落莓苔

晨起

窓扉曉闢對平湖爽氣侵尋冷入膚  
林迥霜黃垂橘柚渚清沙  
碧老菰蒲忘機鷗鷺元相狎得食猿  
猱不用呼游目騁懷心正  
逸更憑高處立須臾

參寥子詩集卷之四





程